

中国边疆研究资料文库·边疆史地文献初编

西南邊疆

第一輯

中国边疆研究资料文库·边疆史地文献初编

西南邊疆

第一輯

軍牘集要卷五

萊蕪張卿雲

編輯

江陰莊秉衡

恭報接印日期摺

題爲恭報

微臣

接管提督印務日期仰祈

聖鑒事竊

臣

前於信宜軍營接准兼署廣東督臣瑞麟署撫臣

郭嵩燾會咨以容岑迭獲勝仗羅定信宜地面業已肅清

惟廣西地方緊要及一切營伍亟須實任人員督理應請

馳赴廣西提督本任以重職守除具

奏外相應咨會查照起程等因咨會到臣臣當將剿辦事宜

平定縣志

卷五

督飭各員弁認真辦理一面束裝順道由籍自廣西之橫
州賓州一帶陸路馳赴柳州府城隨於同治四年六月二
十日准

暫署提臣蕭榮芳將

欽頒乾字叁百肆號提督銀印一顆并日行文案概由中軍叅
將祥瑛賚送前來臣謹卽恭設香案望

闕叩頭祇領惟提督衙署奉頒

王命旗牌

上諭書籍因咸豐七年被毀無存未經接管臣當就於是日任
事所有微臣任事日期理合恭疏

題報伏乞

皇上聖鑒施行爲此具本謹具

題

聞

同治四年六月二十五

日

边疆史地文献初编·西南边疆 第一辑

耳 版 集 要 卷 三

二

一

四六八

恭報馳赴慶遠督剿黔苗日期摺

題爲恭報微臣起程赴慶督剿日期仰祈

聖鑒事竊臣於同治六年二月二十八日接准廣西撫臣張凱
嵩咨會以黔苗不靖逆燄披猖慶遠密邇黔疆迭受其擾
非集兩省軍力會合剿洗無以固圉保民昨經添調副將
何元鳳管帶元字三營馳赴慶遠與派之叅將劉玉成所
部鎮柳一營實力堵禦相機進剿並飛咨貴州撫臣張亮
基速派勁旅約會粵軍無分畛域合力剿辦以收夾擊之
功惟查進兵機宜須有統師方期事權歸一現經函商臣
親往調度等因臣查黔苗逆勢披猖慶郡邊防吃重自應

軍牘集要

卷五

三

迅速督師馳剿以收夾擊之效茲臣定於本年三月初三日隨帶弁兵伍拾員名自柳起程馳赴慶遠體察情形相機督剿所有尋常日行公件劄委署提標中軍叅將隆林營遊擊梁桂春代行代拆其緊要事件仍隨時包送臣行營核辦以昭慎重茲將微臣起程赴慶督剿日期理合恭疏

題報伏乞

皇上聖鑒施行爲此具本謹具 題

聞

六年 三月 初三

日發

附廣西巡撫奏南太軍務喫緊摺

奏爲南太軍務喫緊咨商提臣督師剿辦恭摺馳陳仰祈

聖鑒事竊太平府屬土匪不靖代理知府楊廷璵率領昆字等
營迭平上屯九岸等股匪經陞任撫臣張凱嵩具

奏在案茲據署左江道覃遠璉稟稱楊廷璵查有客匪盤踞
龍州境內本年二月移軍剿辦苦戰累月連破馬弄雙敏
板阜等寨斬獲纍纍匪眾退踞下凍負固死守楊廷璵添
調練勇合擊復殲賊多名詎該匪被攻情急六月十三日
潛勾窰頭土匪繞撲後路營盤前軍回顧不及楊廷璵隨
身親兵無多倉卒莫禦退守三堡聞匪勢蔓延覃遠璉飭

派都司陳朝綱知府姚茂田同知蒲蔭枚等分帶和濟莘
清等營馳往援剿左江鎮總兵李起高亦派叅將符鴻升
率領師船接應等情並據署南甯府姚翔之稟報探得龍
州土匪分撲左州窺伺太郡南太境地相接匪徒生心卽
有山澤餘黨孫受添突起滋事雖經立時撲滅而南郡餘
匪皆蠢蠢欲動且前次吳逆分股竄踞隆安楊圩甫經擊
退尙在太平邊境更恐勾結回竄情形甚屬喫緊稟請添
兵剿辦前來臣查南郡本羣寇釀亂之區前曾竊踞城邑
爲患多年上年搗平山澤巨股大致粗安而伏莽尙須厘
剔祇因鎮安寇警紛紜大軍急於進發不克久駐南甯僅

留元字數營查辦善後旋因慶遠邊防緊要後將元字三營調往協防以致邕江餘孽未能一律肅清此時太平賊氛滋蔓若令羣起勾結逞其兇狡之謀勢必重煩兵力覃遠璉督剿歸順逆匪吳亞終正在專力相持責以並顧兼籌深虞鞭長莫及必須另有統兵大員前往督辦方於軍務有裨且令覃遠璉後顧無憂得以一意銳攻亦可迅速蒞事提臣馮子材威望素著熟悉邊徼情形上年陞任撫臣張凱嵩辦理南甯軍務曾奉

諭旨俟黔防稍鬆或須該提督移軍督辦之處仍著酌量具

奏欽此臣近日疊准提臣馮子材咨函自五月中旬因南丹

東蘭土匪滋擾率同鎮柳左右營回駐粵境剿捕酌留副將何元鳳管帶元字三營扼劄毛難屢次擊退苗匪斬馘多級并於七月十七二十等日連破拉物搖盧等卡寨該匪痛受懲創遠匿不敢復出南丹等處土匪亦已先後擒斬首逆剿辦肅清慶遠邊境又安該提督正可遵

旨赴邕督辦以靖邊陲臣已飛咨提臣責成何元鳳督元字三營照常扼要嚴防並飭沿邊州縣認真聯團協助一面親督鎮柳兩營由忻城一帶馳赴左江專辦南太軍務現紮南太各營弁勇悉歸調度惟兵力尙虞不足臣督同軍需局司道趕籌經費解交該提督就近派員赴廣東靈山欽

州等處添募勁勇以期便捷馮子材籍隸廣東選用東勇
更爲得心應手除剿辦情形隨時會同奏報外謹將南太
軍務喫緊商令提臣馮子材前往督辦緣由會同兩廣總
督臣瑞恭摺具

奏伏乞

皇太后

皇上聖鑒訓示謹

奏

六年九月二十九日奉

上諭蘇鳳文奏南太軍務喫緊一摺廣西太平府屬土匪蔓延

南甯匪徒乘時蠢動吳亞終分踞隆安雖經擊退尙在太平邊境該兩屬羣匪環逼勾結響應若不迅集勁旅早日撲滅滋蔓難圖又成不了之局廣西各軍不敷剿辦且無大員督率尤恐進止不齊難期得力馮子材自五月以後剿辦南丹等處土匪已將蕨事正可赴邕督辦著該提督卽日拔營親帶所部得力之師馳赴左江專辦南太軍務有現紮南太各營弁勇均歸調度該提督到防後卽督飭各將士將首要各匪次第剷除務期淨盡兵力尙虞不足蘇鳳文已經籌畫經費交該提督派員赴靈山欽州等處添募勁勇卽著趕緊招募成軍以期得力馮子材未到以前仍著蘇鳳文督飭各軍

就有力兵力認真防剿毋稍疎懈蘇鳳文另片奏請催餉已
諭令湖南廣東各督撫迅速籌解矣將此由五百里諭知馮
子材並傳諭蘇鳳文知之欽此

边疆史地文献初编·西南边疆 第一辑

目錄
卷五

太郡官軍所向克捷摺

奏爲太郡官軍所向克捷迭破賊巢盪平股匪恭摺仰祈

聖鑒事竊龍州逆匪謝八糾黨攻犯太郡經官軍擊退仍分屯
龍州等處據險負隅臣馮子材親往督剿添募欽靈等處
常勝軍於十一月初六日由南甯拔營前進經臣蘇鳳文
具

奏在案臣子材於十一月初一日行抵太平府城偵探各路
賊情逆匪謝八盤踞龍州窰頭等處其左州之欖墟及養
利州之筆村龍英樓茗一帶亦皆有匪屯聚與謝逆呼吸
相應聲勢相依必須三路進兵方足斷其聲援制其死命